




E PAN I AWA DI BIDA



Lès 7 pa Ougùstùs 16, 2025

" Y Señor a bisa Moisés, '
Kuantu tempu mas boso ta
nenga di warda Mi
mandamentunan i Mi leinan?
Mira!

Pasombra Señor a duna boso
e Sabat; pesei E ta duna
boso riba e di seis dia pan
pa dos dia. Laga tur hende
keda na su lugá; no laga
ningun hende sali bai for di
su lugá riba e di shete dia.'
Asina e pueblo a sosegá riba
e di shete dia"


Eksodo 16:28-30, NKJV



Finalmente nan a krusa e frontera di Egipto. Finalmente nan tabata riba e kaminda pa Kanaan, e tera ku tin lechi i miel na abundansia.

Pa tres dia, tur kos tabata parse perfekto. Pero e provishonnan tabata kabando. Kon nan lo por alimentá dos miyon di hende den e desierto?

Na e promé señalnan di problema, e hendenan a kuminsá keha. Nan lo a preferá di a muri na Egipto! Klaru ku nan fe mester a krese i bira mas fuerte. Pues Dios a proveé nan ku awa i pan; a protehá nan for di nan enemigunan; i a yuda nan organisá.



Awa limpi (Eksodo 15:22-27)

E pan for di shelu (Eksodo 16:1-36)

E Baranka na Horeb (Eksodo 17:1-7)

E mannan tené na laira (Eksodo 17:8-16)

Bon konseho (Eksodo 18:1-27)

E pan i awa di bida: Hesus

“ E eksperensia variá di e Hebreonan tabata un skol di preparashon pa nan hogar primintí na Kanaan. Dios lo kier Su pueblo den e dianan aki revisá ku un kurason humilde i spiritu siñabel e pruebanan dor di kual Israel antiguo a pasa, asina ku nan lo por wòrdu instruí den nan preparashon pa e Kanaan selestial.”

EGW (Patriarchs and Prophets, p. 293)

AWA LIMPIÁ(STERILISÁ)

"Ora nan a yega Mara, nan no por a bebe esaki su awa pasombra esaki tabata marga. (Pesei e lugá ta yamá Mara.)" (Eksodo 15:23)



Si Dios ta ku nos, kon kualke kos malu lo por sosodé ku nos? Esaki a parse di ta e filosofia di e pueblo di Israel despues di a krusa e Laman Kòrá.

Deskubriendo ku e awa tabata insigur pa bebe, nan a keha, “Kiko nos mester bebe?” (Eks. 15:24). Dios lo por a limpia e awa promé ku nan a yega, pero El a warda pa e momentu korekto.

El a pidi Moisés tambe pa yuda ehekutá e milager, pidiendo é pa tira un palu pa limpia e awanan (Eks. 15:25).

Dios kier pa nos ta konsiente di Su presensia, pa warda Su mandatonan, i pa kooperá kuNe.

Si Israel a kumpli ku Dios Su ekerimentunan (eksigensianan), obedesiendo e leinan ku Dios a duna nan, nan lo por ta sigur ku nan lo wòrdu protehá for di maldat (Eks. 15:26).



E PAN FOR DI SHELU

" Ora ku e Israelitanan a mira esaki, nan a bisa un na otro, " Kiko esaki ta?" Pasombra nan no tabata sa kiko e tabata. Moisés a bisa nan, " Ta e pan ku Señor a duna boso pa kome" (Eksodo 16:15)

E deseo pa kome karni a kousa Israel pa mumurá kontra di Moisés i Aaron (Eks. 16:2-3). Pero nan murmuramente realmente tabata kontra di Dios mes (Eks. 16:8). Kiko tabata nan problema?

Nan a lubidá e pasado


Nan a enfoká(fiha) riba e difikultatnan di e presente

Nan a pèrdè bista di e futuro primintí




Despues di a duna nan patrushi pa kome, Dios a proveé nan ku suficiente pan pa alimentá nan tur dia ... pa kuarenta aña! (Eks. 16:35)

E pan aki for di shelu tabata berdaderamente milagroso:




Ora ku e solo sali esaki a dirti (Eks . 16:21)



E mesun kantidat a kai pa sinku dia (Eks. 16:16)



Riba e di seis dia esaki a kai dos bes mas tantu (Eks. 16:22)



Riba Sabat nada no a kai (Eks. 16:26)



For di un dia na e otro esaki tabata yená ku bichi (Eks. 16:20)



For di Djabierne pa Sabat esaki no a bomba (Eks. 16:23-24)

E BARANKA DO HORÈB

“ Lo Mi para einan bo dilanti banda di e baranka na Horèb. Dal e baranka, i awa lo sali for di djé pa e pueblo bebe.” Asina Moisés a hasi esaki den bista di e ansianonan di Israel” (Eksodo 17:6)

“ SEÑOR ta meimei di nos, sí òf nò ?” (Eksodo 17:7 NIV). Dios no a manda pan pa nan for di shelu tur dia? Nan no por a mira esaki den e nubia?

E inkredulidat manifestá dor di Israel ta asombroso. Pero Pablo ta avisá nos pa no kai den e mesun ehèmpel di inkredulidat (Heb. 3:12).

Apesar di nan inkredulidat, Hesus mes a splet e baranka i a sigui provee nan ku awa dor di nan biahe. E ta “ e baranka spiritual ku tabata sigui nan ” (1 Kor. 10:4).

Pa nan, komo pa nos, Kristu ta e Fuente di bida i e Dunadó di bida etèrno.



E MANNAN TENÉ NA LAIRA

“ E Amalekitanan a bini i a ataká e Israelitanan na Refidim ” (Eksodo 17:8)




Segun ku nan a avansá dor di e desierto, e Amalekitanan a ataká Israel, i Moisés a pidi Josué pa defendé nan mientras ku é, Aaron i Hur a subi e seru ku “ e bara di Dios ” (Eks. 17:8-10).

Pakiko e Amalekitanan a ataká?

Nan a tende loke Dios a hasi na Egipto. Pero, distintu for di e otro Kananitanan, nan no tabatin miedu. Nan a hasi bofon di Dios i a desafi’É dor di ataká Su pueblo, djies pa proba ku nan tabata mas fuerte kunÉ (Eks. 17:16).


Basta ku Moisés tabata tene Dios Su bara na laira, Israel tabata gana. Pero ora ku su brasanan a bira kansá, Israel a wòrdu derotá (Eksodo 17:11).

Tabata tempu pa e peso(karga) di akshon wòrdu kompartí dor di otro lidernan. Aaron i Hur a sostené Moisés i a yud’é hasi Dios Su trabou eksitoso, di tal manera derotando e enemigu (Eks. 17:12).



BON KONSEHO

" Pero ta selekta(skohe) hòmbènan kapas for di den henter e pueblo — hòmbènan kende ta teme Dios, hòmbènan konfiabel kende ta odia ganashi desonesto — i apuntá nan komo ofisialnan riba milnan, shennan, sinkuentanan i diesnan." (Eksodo 18:21)



Mirando e señal ku Dios a anunsiá na Moisés, Jetro, ku Séfora i su yiunan hòmber, a bai serka djé na Horeb (Eks. 3:12; 18:1-5).

Jetro, ounke no un Israelita, a adorá Dios. Pesei, despues di a risibi Moisés su relato di loke a sosodé na Egipto, el a alabá Dios i a ofresé sakrifisionan na djÉ (Eksodo 18:8-12).

E siguiente dia, despues di a wak Moisés husga solitario e pueblo henter, el a dun'é un poko konseho sabí: parti e responsabilidatnan (Eks. 18:17-23).

Moisés humildemente a rekonosé Dios Su palabranan den e konseho aki. Pesei, el a pone atenshon na su suegro su konseho i a skohe hendenan kapas di por karga e responsabilidatnan.

Esaki su karakterístikanan (Eks. 18:21):

Respetá Dios


Sea konfiabel

Odia pagamentu ilegal



E PAN I AWA DI BIDA: HESUS

“ Ami ta e pan bibu ku a baha for di shelu. Ken sea kome e pan aki lo biba pa semper. E pan aki ta Mi karni, kual lo Mi duna pa e bida di e mundu ” (Juan 6:51)




Pablo ta bisa nos ku e historianan di Eksodo a wòrdu skirbí pa nos instrukshon, esei ta, nan tin un aplikashon speshal pa nos bida (1 Kor. 10:1-11).

E histoianan aki ta spierta(avisa) nos kontra di kudishi; idolatria; fornikashon; tenta(purba) Dios; i redashi.

Ademas, Hesus a apliká speshalmente na Su mes e historianan di e awa for di e baranka i e pan for di shelu.

E ta Esun Kende ta proveé pa e awa di bida, simbolisando e Spiritu Santu (Juan 4:14; 7:37-39). E ta e Único Kende lo por satisfasé nos set di paden pa pas, goso, i felisidat.

Hesus a bisa ku E ta e pan berdadero ku a baha for di shelu. E pan ei ta Su propio karni (Juan 6:51). Esaki ta Su kurpa, kibrá riba e krus pa trese salbashon na tur kende lo “ kome ” esaki — esei ta, asept’É komo Salvador i tin un relashon diario kunE. Solamente Kristu por satisfasé nos set i hamber spiritual.



“ E mundu su Redentor konosé e nesesidatnan di tur alma. Ora ku nos ta oprimí i lánguido(indiferente), E sa esaki, i E ta Esun ku ta supli e refreskamentu spiritual. PidiÉ; vigilá te(asta) na orashon, i esaki lo bini. Hesus ta e pan di bida, pa wòrdu komé tur dia; E ta e awa di bida pa e alma ku a seká i ta desmayá, i tur lo por partisipá di su grasia.

Tera su rembaknan frekuentemente lo wòrdu hasí bashí, su pisinanan ta bira seku; pero den Kristu tin un fuente di awa bibu for di kual nos lo por hala kontinuamente. Kon ku sea e kantidat ku nos hala i duna na otronan, un abundansia lo keda(sobra). No tin ningun peliger den gasta e reserva; pasombra Kristu ta e fuente di bèrdat inkansabel ”

EGW (The Signs of the Times, April 22, 1897)